

P. 510, L. 5【大經】《大般涅槃經》卷 3〈金剛身品 2〉：迦葉菩薩白佛言：如來之身是常法身、安樂之身…如來法身金剛不壞，而未能知所因云何？佛言：「迦葉！以能護持正法因緣故，得成就是金剛身。迦葉！我於往昔護法因緣，今得成就是金剛身，常住不壞。善男子！護持正法者，不受五戒，不修威儀，應持刀劍、弓箭、鉞^{ㄉㄨㄞˋ}槩^{ㄍㄨㄞˋ}，守護持戒清淨比丘。」(T12,p.383,b15-24)「佛告迦葉菩薩：「善男子！以是因緣故，比丘、比丘尼、優婆塞、優婆夷，應當勤加護持正法，護法果報廣大無量。善男子！是故護法優婆塞等，應執刀杖，擁護如是持法比丘。……護正法者，應當執持刀劍、器仗，侍說法者。」」(T12,p.384,a20-26)

P. 510, L. 6【一子地】全稱「極愛一子地」。此階位的菩薩證得化他之果，以慈悲心憐憫一切眾生，猶如父母憐憫其子，故有此名。《大般涅槃經》卷十六〈梵行品〉云：「復次善男子，菩薩摩訶薩修慈悲喜已，得住**極愛一子之地**。善男子，云何是地名曰極愛，復名一子？善男子，譬如父母見子安隱，心大歡喜，菩薩摩訶薩住是地中亦復如是。視諸眾生同於一子，見修善者，生大歡喜，是故此地名曰極愛。善男子，譬如父母見子遇患，心生苦惱，愍之愁毒，初無捨離，菩薩摩訶薩住是地中亦復如是。見諸眾生為煩惱病之所纏切，心生愁惱，憂念如子，身諸毛孔，血皆流出，是故此地名為一子。」(T12,p.458,c)有關一子地所屬的菩薩階位，古來頗多異說。僧宗以之為**第七地**，淨影以之為**初地**，章安灌頂則於《涅槃經疏》卷十七舉出「**性地**、**八地已上**、**初歡喜地**」三說，並謂前二說皆有過與不及之弊，而初地證化他果，故以**初地**之說為正。～《中華佛教百科全書》

P. 510, L. 6【何曾無攝受】《法華文句記》卷 9〈釋安樂行品〉：「今且引慈悲一子而反質，持弓執箭未是通途故，云何曾無攝受？…此地無種不為，普現色身，隨宜益物，故折攝兩門收一切教，或出或沒，不應偏難。今云同者，同味同理，同因同果。」(T34,p.317,a27-b2)

P. 510, L. 6【頭破七分】詳見後文 p. 774：-3。

P. 510, L. 9【十種三法】天台宗之說。指**三道**、**三識**（菴摩羅識、阿梨耶識、阿陀那識）、**三佛性**、**三般若**（實相、觀照、文字）、**三菩提**（實相、實智、方便）、**三大乘**（理、隨、得）、**三身**、**三涅槃**（性淨、圓淨、方便淨）、**三寶**、**三德**等十種。《法華玄義》卷五下，以真性、觀照、資成等三軌，各配於

十種三法，詳如下表：

	三軌	真性軌	觀照軌	資成軌
1	三道	惑	業	苦
2	三識	菴摩羅識(清淨識)	阿梨耶識(藏識)	阿陀那識(執持識)
3	三佛性	正因	瞭因	緣因
4	三般若	實相	觀照	文字
5	三菩提	實相	實智	方便
6	三大乘	理(理性虛通)	隨(智隨理運)	得(得果得機)
7	三身	法	報	應
8	三涅槃	性淨	圓淨	方便淨
9	三寶	佛	法	僧
10	三德	法身	般若	解脫

【三大乘】大乘所具之三義。出自《金光明經玄義》卷上。一、**理乘**，謂理性虛通，自然荷運諸法，故名理乘。二、**隨乘**，謂智隨理境，如蓋隨函，隨理荷運，故名隨乘。三、**得乘**，得者，得果得機也。謂得果故自解脫；得機故令他解脫；故名得乘。～《三藏法數》

P. 510, L. 9【準例可知】不動門 \longleftrightarrow 法身德(如來衣)。不受門 \longleftrightarrow 般若德(如來座)。不行門 \longleftrightarrow 解脫德(如來室)。

P. 510, L. -6【法華圓行】《摩訶止觀》卷7：「一行無量行。法性空故，一切行一行，一空一切空。法性假故，一行一切行，一假一切假。法性中故，非一非一切，非空非假，雙照空假；一切非空非假，雙照空假。九法界行皆即空、即假、即中，亦復如是，是名法念處。」(T46,p.88,c11-16)

P. 510, L. -5&-4【隨文說、約行說】隨經文前後次第說：

〈法師品〉—略示宏經—益他為本—先明入室。

此品—惡世宏經—安諸逼惱—先明著衣。

約菩薩行而說：先以般若(坐如來座)蕩累 \rightarrow 慈悲愍眾故行道(入如來室) \rightarrow 安忍違從(著如來衣)。

P. 510, L. -2【入空即具一切法】《大智度論》卷25〈序品1〉：「若信諸法空，是則順於理；若不信法空，一切皆違失。」(T25,p.245,c9-11)《中論》卷4〈觀四諦品24〉：「以有空義故，一切法得成；若無空義，一切則不成。」(T30,p.33,a22-23)《四教義》卷2：「以有空不空義故，則一切法得成。若無空不


空義，一切法則不成。一切法成者，有四諦、四沙門果、三寶也。」(T46,p.727,b4-6)

P. 511, L. 5【身業安樂行】前文 p. 509，以三業配宏經三軌、因三法；今文則以止、觀、慈悲三行導身業，成就三軌、三德（斷德、智德、恩德）

有止→離身粗業→著如來衣→離過、成斷德。

有觀→無所得、不墮凡夫地→坐如來座→無著、成智德。

有慈悲→廣利一切、不墮二乘地→入如來室→利他、成恩德。



P. 511, L. 7【大菩薩受命宏經】《妙法蓮華經文句》卷 8〈釋安樂行品〉：「此品是迹門流通第四意，若二萬八十億那由他受命弘經，深識權實」(T34,p.118,c25-27)《法華文句記》卷 9〈釋安樂行品〉：「云「若二萬八十億」等者，〈持品〉初二萬菩薩眷屬俱 (p. 498: -3)，皆於佛前發誓弘經。有經本云「八千億」，應云八十億。即〈持品〉中諸尼索記，佛與記已，諸尼說偈讚佛已；爾時世尊視八十億諸菩薩等 (p. 501: 6)。佛稱讚已，是諸菩薩念佛告勅，當如佛教等。」(T34,p.317,b9-14)

P. 511, L. 8【若初依始心】《法華文句記》卷 9〈釋安樂行品〉：「若初依下，始行之人無此四故，以四行防護，兼堪自進，故云『欲修圓行』；欲利他故，故云『入濁弘經』。為濁下，明無此四故，自他俱失。為是下，正結來意。言『若初依始心』者，五品、六根並屬初依，始心即在五品初心，故初品中，雖非說法之位，隨力弘經須此四行；至第三品，正當說法以資自行，說即是弘，理須此品以為方法。」(T34, p. 317, b22-c1)五品、十信為初依。「五品」：1. 隨喜，2. 讀誦，3. 講說，4. 兼行六度，5. 正行六度。「六根」：六根清淨位，圓教十信，六即位中之「相似即」。於此位之菩薩，已斷除見修二惑，而得六根清淨。

P. 511, L. -4【是諸菩薩】如科文中云：歎前品深行菩薩能如法宏經，如前文 p. 502: 2+p. 504: 5「敬順佛意」。善導《觀無量壽佛經疏》卷 4：「一心唯信佛語，不顧身命，決定依行。佛遣捨者即捨，佛遣行者即行，佛遣去處即去，是名隨順佛教、隨順佛意，是名隨順佛願，是名真佛弟子。」(T37,p.271,b6-10)

P. 512, L. 6【詣理、附事】《妙法蓮華經文句》卷 8〈釋安樂行品〉：「不可偏據深淺。然行名進趣，近名親習；親習故進趣，進趣故親習，復何淺深？又行、近是上方法，行處是如來衣，近處是如來座，座、衣既不淺深，行、近何得優劣？又忍辱必內懷至理，歷緣耐事，目之為行；空座必體達外緣，棲息真

境，目之為近。蓋**事理**互現，復何淺深？若爾，何故分行、近？詣理略說名行處，附事廣說名近處，說有廣略、理無淺深。」(T34,p.119,b19-27)《法華文句記》卷9〈釋安樂行品〉：「言**詣理**者，以《經》云「住忍辱地」故也。**附事**者，離十惱亂等事中，下文亦觀空等(p.519：-1)，如引義中，寂滅忍與畢竟空，豈容深淺？但對事說，得忍衣名；約理以說，得空座名；故附事必依理，從理必經事，不應圓行事理條然，亦如二諦必真俗相即，各說一邊，非無所詣，約行準說。問：既對衣座，何不對室？答：室通二行，亘於始終，二行雖殊，慈悲義等。問：標云慈悲熏止觀導三業，下釋但見止觀三業，而無慈悲者何？答：誓願不孤，通前遍導，況皆有為說，咸是慈悲。」(T34,p.318,a6-17)道暹《法華經文句輔正記》卷8：「附事必依理者，攬事以徹理，觀理以達事。又經，由也，達也，故云事理不可條然也。非無所詣者，說真之時，亦詣於理；說俗之時，亦詣於理；真俗不二，詣理是同。約行準說者，說既真俗相即，行必事理無偏。」(X28,p.774,b23-c3)